



## **Havezate Collendoorn**

De Collendoorn, ok wel enuumd Huze Collendoorn, was 'n havezate gelegen in de buurtschop Collendoorn in de gemeente Ambt-Hardenbarg, nou Hardenbarg in Overiessel. An de havezate Collendoorn was 'n lienkamer verbonden, woarvan de lienen achterlienen waren van de proosdij van Sint-Lebuïnus in Deventer, de graaf van Bentheim en de heer van Huus Ten Clooster. Disse lienkamer wördden noa de afschaffing van het liienstelsel in 1798 opeheven.

### **Geschiedenisse**

Umstreeks 1500 wonen op de havezate Huus De Hofstede in de buurtschop Collendoorn de edelman Boldewijn Blankvoort tot de Hofstede, die etrouwd is mit Aleid van Armelo. Heur zeune Lubbert Blankvoort koch in 1539 de Oldenhof. Hij gef disse havezate de ni'je name "De Collendoorn". Lubbert döt pogingen um in de Ridderskap van Overiessel te wörden verschreven. Noa wat weigerings lukt het uiteindelijk in 1546. Het bezit van de havezate gif recht tut de Ridderskap en later het Previnsioal Bestuur van Overiessel. Noa verarving an verschillende Blankvoorts wördt het landgoed op 5 februari 1721 overdragen aan Pico Galenus van Sytzama, etrouwd mit arfdochter Janna Judith Blankvoort. De dochter van Van Sytzama, de bekende dichteresse Clara Feyeoena, trouwt mit Baron Isaak Reinder van Raesfelt tot Heemse en Grambargen. De Collendoorn kump dan in eigendom van de Van Raesfelts.

### **Bezittings**

Tut de havezate De Collendoorn beheurden de volgende bezittings: Tunen en boomgaard, ruum 1 hectare; bouw- en weilaand 2,5 hectare en in t Allemansvene nog 5 hectare veene en woeste grond. In de karke in Heemse een heerenbanke. Verders beheurden de hiernoa enuumde pachtboerderi'jen bi'j de havezate: het Ruitmink of Faassen; Hamhuis; Stoevenbelts; Doezemans; Klaasjes en Warners, de 2 katersteedn op n Ballast mit verskeidene grondstukken en het arve Jacobs in Rheeze.

### **Bewoners**

De eerste bewoners waarn de Blankvoorts, die hier tut ongeveer 1721 bleevn.. Bi'j de volkstelling in 1748 blijkt het huus Collendoorn bewoond te wezen deur de vroggere rentmeester van laandgoed De Groote Scheere b'j Coevern, Engbert Rutger Vaassen, mit vrouw, drie kinders, zien vader Jannes, 'n knecht en 'n dienstbode.


Evert Elbert Anthony van Raesfelt verkocht de Collendoorn umstreeks 1750 an Reindert Borchart Rutger graaf van Rechteren tut Grambargen. Op 14 meert 1771 wördt Huus Collendoorn mit 5 bi'jbeheurende pachtboerderi'jen taxeerd op fl. 25.470 en op 21 meert 1771 verkocht an Adolph Henrik graaf van Rechteren. Die zien breur, graaf Christiaan Lodewijk van Rechteren, is in 1775 etrouwd mit de dochter van Clara Feyeoena , de baronesse

Ermgard Ebella van Raesfelt. Christiaan is kapitein ter zee bij de Admiraliteit van Friesland, belast mit bestrieding van zeeroveri'je in de Middellaandse zee en later bescharming van de Zeeuwse stromen. Hij verleut de zeedienst in 1785 en nöm in 1788 het Huus Collendoorn over van zien breur, wördt verschreven in de Ridderskap van Overiessel en wördt ok landdrost van Sallaand. Dochter Maria Clara van Rechteren trouwt op 7 juli 1796 mit jonker Jacob van Foreest.

Christiaan Lodewijk starft op 12 augustus 1820 ienzaam en berooid op Huus Collendoorn en wördt in Hiemse begraa'm. Van Foreest arft deur zien echtgenote De Collendoorn en wördt dan ok verschreven in de Ridderskap. Hij woont echter op Huus Hiemse en verwoarlost de havezate. In 1807 zet hi'j De Collendoorn te hure en verkoch de havezate uuteindelik aan de Collendoornse schoelmeester Jan van de Poll. Het Huus, of wat er nog van over is, verarft aan noazoaten van Van de Poll. In 1899 koch Roelof Geertjes het laandgoed.

#### Verval van de havezate

Der bint gien ofbeeldings of foto's van het huus maar uut een advertensie in de Zwolsche Kraante en een boedelbeschrijving deur notaris A. van Riemsdijk in 1821 bliekt dat het huus beneden rechs en links van de gaank een grote veurkamer, een kleindere kamer, een keuken mit pompe, een kelder en 'n opkamer hadde. Boven waren nog drie veurkamers en een achterkamer, een overloop mit knechten-, meiden- en veuroadkamers. Bovendien was der een zoalder over t hele huus. Der noast an ebouwd was een boerenbehuuzing mit een wagenschure. Lös van " t huus stund een veeschuure veur 6 peerden en 7 koe'n. Het gebouw was umgeven mit moes- en siertuunen, woarin, volgens de beschrijving "exquise vrugtboomen van alderhande soort" stunden.



*Zo zol't eruut eziene kunnen hebben.*

In 1907 wordt op de stee een ni'je boerderi'je ebouwd. In 1930 arft de dochter van Geertjes, Zwaantje Geertjes, mit heur keal Frederik Jan Meijerink 't goed. De overblijfsels van het vervallen Huus Collendoorn wörden in 1914 esloopt. Uuteindelik bleven der nog een olde waterputte en 'n stukkien van de olde gracht op t arf van de

Meijerinks over en is ter plaase nog vage de eursprunkelike oprielande noar de havezate te zien.

De volgende foto's geft beelden van de huidige situatie.



*Overblijfsel van de grachte*



*Hier lag de vroggere oprielande*



*Op de plekke van t olde koetshuus is een boerderi'je ebouwd*



*Olde waterputte van Huus Collendoorn*



*De Havezate stund midden in dit tarweveld*

Dick van Faassen